

大英一千八百九十三年三月八號

THE "PENANG SIN POE" 號六十九百八第 CHINESE DAILY NEWS.

檳城新報

印三拜禮牌門號二十三百二號十三百二第街中在設開館本

Printed and Published by Lim Seng Hooi at the Criterion Press, Nos. 230 & 232, Beach Street, Penang.

清光緒二十五年 己亥正月廿七日

論戰法之變 用兵之道厥要有二曰器貴乎利曰法貴乎精蓋器不利則有兵而無兵之用法不精則有器而無器之用器之精粗一驗即判但法有精粗者視其與器稱否何如耳與器相稱斯為精矣苟不與器相稱雖密齊整亦不足為精是故兵器十年而不變戰法亦可十年而不變兵器一日而變戰法亦不可一日而變也曩歐洲兵器創新奇層出不窮而其最後出者為後膛鎗創此鎗者為瑞士名匠苦心力索二十年之久始克成之既成而始試之戰者為三十三年前之普國嗣後列國轉相倣效爭先恐後而步戰之法自是一變矣其初人但知兵器之變創自普國而不知戰法之變創於普國也或知戰法之變創於普國而不知訓練之變源乎普國也一千八百六十六年歐洲自普奧之戰普國始用新鎗所謂後膛鎗也靈捷異常前此之所未有普軍以此奏功長驅進入奧京使奧從約此普國霸業之始也越四年又有普法之戰是時屬國俱用新鎗然普軍連勝勢同破竹遂圍法京使法乞和此普國霸業之成也夫彼用舊鎗此用新鎗者普法之戰也一鎗一利即謂勝敗在器可也兩敵俱用新鎗者普法之戰也利鈍正等謂勝敗在器可乎然列國之環視者於普法之戰早知普用新鎗之外更有訓練之精遠過他國其以爲專在利器者蓋其初未深詳戰時之情耳獨至普法之戰兩國器械足以相敵也兵數足以相敵也是以列國咸謂普之將帥蓋千古偉人哉凡其平日所規畫者及施之戰事無巨細悉合機宜又善揣敵情如指諸掌此其所以連勝也夫普之將帥得人不可誣矣然而至其日事無巨細悉合機宜以此制勝則未爲確論也何則普法之戰普國將帥所豫規畫施之此戰遺事輒違者蓋十而二三焉節制紀律其平日講求施之此戰變通化裁者蓋十而三四焉此乃當日普國官報明白記錄而不容疑者也然則普何以勝曰訓練之精此其首也將帥之能又其次也特其異者在此訓練之精不自隊營之間來乃自學校之中來也其故何也夫新槍之利三日施放速日射力遠曰命中精凡此三者僅有其一而殺敵之多足以十倍於前况其并具此三者乎况其更有及遠命中與是相稱之巨彈天砲乎用此利器兩敵對陣固列成隊相逼接戰彈丸雨注無一虛發須臾之際數里之間烏有不伏屍山積流血成河者乎當是之時防之法但有散隊以戰耳散隊以戰者兵士既無隊伍步伐之整上將指揮號令又有所不及乃欲使偏裨士卒聽令進退一如傀儡殆不復可得矣而普國之兵獨積銳無敵者蓋由其士卒有應變之智有臨機之器首尾相應前後相救散而不亂分而不離變化自在有如手足耳目之聯成一體不期相救是其紀律之嚴訓練之精不在將之號令而在兵之身心也嗚呼此豈教養無素頑鈍椎魯者之所得而可哉要之舊法者死訓練也新法者活訓練也求之除營派令之間而以爲足者獨死訓練爲然耳若乃活訓練不求之學校教養之中而惡見其可乎普國學校之盛夙冠歐洲其民就學之多於列國中首屈一指而其與法交戰之時收良家讀書聰穎之子弟多在卒伍間彼其訓練之精遠過他國者其不以此也哉今有國焉鉅創深痛之際不惜重資以購利器鎗必曰後膛砲必曰鋼鐵其於兵務亦可謂盡心焉耳矣然知器之變而不知法之變知訓練之精在隊陳之器而不知其在學校之中漫募市井亡賴目無丁字之徒授之以利器教之以作坐進退之節欲以武步普國之強噫亦難矣夫太阿之劍陸斬虎豹水截犀牛蓋天下之利器也執此者嘗無敵於天下矣然今執太阿之劍者人人皆是則勝負之決豈得謂在器而不在人乎此今日練兵第一要義也

目錄

- 論戰法之變 上諭恭錄 死傷人數 小呂宋近耗
亡兵有數 地球中最小之國 意見參商 太古遺物 暢談商務
遲整衣冠 節錄創辦釀酒公司情形 業主須知 天變紀異
病家滋事 拾當票不報 以差擊差 同事相爭 名士出洋
職厥渠魁 真相慶歌 各行告白 各貨行情 輪船行期

PERAK STATE RAILWAYS.

Time Tables from 1st July, 1898, until further notice.

Table with columns for '大', '小', '吡', '叻', '等', '處', '火', '車', '行', '啓', '鐘', '點', '行', '啓', '車', '火', '處', '等', '叻', '吡', '小', '大'. It lists train routes and times between various stations.

Table with columns for '大', '小', '吡', '叻', '等', '處', '火', '車', '行', '啓', '鐘', '點', '行', '啓', '車', '火', '處', '等', '叻', '吡', '小', '大'. It lists train routes and times between various stations, including specific train numbers and departure times.

茲將大小吡叻等處火車到行點鐘由英一千八百九十八年七月一號起如要更換當再詳明

日祭 太歲壇奉 旨遣勅勒赫行禮兩廡遺慶福龍鴻文各分欽此○十九日太常寺題二月初三日祭 文昌帝君廟奉 旨遣載勳行禮後殿遺龍鴻文行禮欽此又題初六日祭 先醫廟奉 旨遣溥頤行禮兩廡遺莊守和楊際和各分欽此又題初九日祭 先師孔子廟奉 旨遣熙致行禮兩廡翰林官二員各分欽此崇聖祠遺照元行禮欽此又題初十日祭 朝日壇奉 旨遣凱泰行禮欽此又題十三日祭 文昌帝君廟奉 旨遣溥靜恭代後殿遺貴昌行禮欽此又題十四日祭 惠濟祠 龍神廟奉 旨遣懷塔布行禮欽此又題同日祭昆明湖 河神廟奉 旨遣崇光行禮欽此又題十六日祭 關聖帝君廟奉 旨遣凱泰恭代行禮後殿遺慶福行禮欽此○正月初七日奉 上諭浙江甯紹台道員缺著誠勳調補所遺江西廣饒九南道著明徵補授欽此

死傷人數 ○前報載法國都城地方火藥所迸裂一節茲據本埠西報述廿五日英京勞打電音稱頃接消息云都城因火藥所迸裂計死者六十人傷者約一百人是誠不測之災也

意得華地 ○西報述廿五日英京勞打電音稱倫敦高勞尼閣西報述其派駐羅馬京城之訪事人所報意官在中國發回意國之公文云意國海軍業經登岸蓋緣意人已向中國政府索定山蒙之口岸故也

小呂宋近耗 ○新嘉坡浮里不來西報接二十日香港專電稱現據小呂宋地避難到港之人所述則謂萬里勝之火實係美官暗用前在班官處充當暗差之人所縱美官之為是舉係欲借端誣害土人之受俸於美官署者欲藉以問美廷之信任也以理測之此說尚為可信因萬里勝之火所焚者均屬土人之產業故也來電又云現在黨人外哨經已漸運萬城而萬城內之居民有欲出城者須先向美官請令俟其核准方可進行於此觀之可見宋地居民動多掣肘矣是日又接香港電稱風聞美軍所被黨人擄獲者不下千有餘人於此觀之則黨人亦美之勁敵也

亡兵有數 ○倫敦遞來正月二十六號郵筒言據西班牙官場稱說前當古巴之戰西兵死者八萬名多由不服水土染病不起云

地球中最小之國 ○環球九萬里其國之大小不同若以地論則英俄為最以民數論中國為多今考地球中最小之國在皮列泥斯山頂國名額斯託譯言共和國也該國面積一平方里人口僅百有四十自西歷一千六百四十七年以來迄今已二百五十餘年並無有侵削其地而收為附庸者故其國屹然獨立如義皇上人不知復知有亂之事焉

意見參商 ○俄創軍兵一會或擬開會於丹國京都惟意大利王致書於俄謂倘是會有教化王遣員到會則不派員前去會議軍兵而法外務大臣有言曰我法國必勉從俄皇所請赴會共議軍兵之事

太古遺物 ○北美愈細州人近發掘一大動物之化石者該動物命名太納撒華係太古遺物今已滅亡身長百三十尺後脚三十五尺前脚二十尺全體之重量有四萬餘斤其骨片之至小者一人之力不能舉骸骨為大學教習理度發明竟自去年八月發掘未畢其功可以想見其大也

暢談商務 ○英國商務公所委員赴利巴卜爾口會議暢行東方貿易之法有巴爾克者宣言一切會議各員咸從而和之於是定計向政府投稟云本公所委員惟洞洞 中國門戶以通商發利源以自益我英國人所深望者也我國英人如有在 中國從事貿易或建築鐵路者我政府不可不出力保衛至揚子江一帶利權猶之俄於東三省德於山東法於廣州權力所至名實兼全者也本公所擬如此望政府實力施行委員李德爾云我外部官吏味於亞東形勢宜添設外部侍郎一員以洞悉 中國日本事情者充之專辦東亞諸務又有達生者宣言宜推廣緬甸鐵路之事請會員允議投稟政府且曰本公所深以政府派人勸緬甸揚子江一帶鐵路為欣慰若使此路延長至重慶府則尤為國家至幸之事矣委員登祐耳力極贊達生之言且言自揚子江上游至緬甸一帶平曠之地已為英國權力所及宜經營其地作第二印度而經營之成否一繫乎路之通塞各員皆避之遂照達生之言稟陳政府

暹羅衣冠 ○日前暹羅行整潔衣冠新例暹京之人因不潔而被逮固固者九十餘人人心不服

節錄創辦釀酒公司情形 ○中國駐叻坡總領事張弼士觀察振勳在烟臺購置地段種植葡萄擬集股份設立釀酒公司以奪洋商之利其規模遠大智慮週詳誠足令人親感興起本館屢承外埠友人函詢此事祇以未得詳細章程未便裁覆茲由友人鈔到章程一册爰即分刊以供眾覽○奉 旨創辦釀酒公司記 蓋聞致強之道以富國為先理財之原以經商種植為要泰西各國商務甚重神其術者各有專門凡製一器械一物莫不鉤深索隱刻意經營開創之初資本不足或集合公司或借助公家以底於成此比皆是故人才愈出而愈多商務愈興而愈盛國家愈富而愈強振作精神蒸蒸日上我中國與外洋互市以來雖鐵路礦務製造軍械器械紡織等類漸仿西法次第舉行惟通國狃於積習於商務素不經心即有一二人傑創得新法或限於力或格於勢志焉未逮中國有自然之利而不知與外洋有顯著之利而不知考之何不積貧為弱也今為致富計莫如法其顯著之利以開我自然之利則創一中國歷年以來未有之利舉即收回一中國經年外溢之利權同治十年辛未振勳在葛羅巴與荷蘭友人名拉轄者於法國總領事處坐談領事出葡萄酒請飲云此酒甚佳在法京每樽價英金一磅試之果美又言此酒如能以中國北方天津烟台等處所產葡萄釀之更佳動問其故乃謂咸豐年間法兵進天津時伊亦

白告醫西
THE DISPENSARY,
No. 2, Bishop Street,
PENANG.

啓者本藥房開設在漆木街第二號門牌自辦歐洲名醫製造上等藥料並老幼各款眼鏡出售貨精價實 諸君賜顧便知不謬再將發之時候聲明以便採買每日自早九點至下午五點惟禮拜六日九點至三點禮拜日拾一點至一點此佈

八〇一十
西醫藥房謹白

啓者本藥房專代理禮遮力示君眼鏡齊備出售并察驗瞳子應用何式眼鏡 諸君賜顧者請到土庫街本藥房詢問便是此佈 十〇十
遮實東藥房啓



GRAHAM & Co. (Limited.)



白號扶辦藥家各項藥料出兌並製

上好咳嗽藥水 風濕藥水
上好生癩藥水 肚痛藥水
上好生癩藥粉 爛腳藥膏
上好生癩藥膏 疔積藥水
流白濁藥水 風疔藥水
發冷藥水 等件均經靈驗

異常更有映相器皿鏡盤燈紙以及製造清涼水器具並製各水之藥水均係上品貨物價亦廉宜如各園坵有購買大宗者所取價值較之零沽當格外從廉以示公平此佈

九〇三十
兀禮顯有限公司大藥房謹白

鎖匙標蜜酒出兌



啓者本公司自英一千八百七拾九年由歐洲辦到上標蜜酒來核發售其酒甚佳今將標頭印出 諸君光顧者祈為細認標頭為記免致有誤特此佈 聞

大英一千八百九十五年八月八號
八〇八
心蜜加定胆
挽公司謹啓

白告相映輝中月
W. JONES, PHOTOGRAPHER.

竊思影相之法通及五州為其傳神畫理現活鬚眉也無如技有精粗不能一致本樓影相係參新法而成神情如繪歷久常存諸君賜顧請至亞片公司街即九號門牌第一號便是此佈

八〇八
月中輝映樓啓

啓者余自業二十餘論醫候染瘋者有數千之多詳瘋一症多因嫖妓而來診初起者身中搔癢似有虱咬之形心驚肉跳珠絲面狀似虫行蟻走抹之不見矣不日瘋團腫起兩耳垂大手丫無肉偏身紅白點眉髮脫落手足拘攣麻木不仁脚底穿破便是癩瘋之根苗也余得祖傳一方醫法與別家不同投醫者無不回春矣又有數種假瘋因患天行癩痘疹熱毒愈後復患似癩瘋一樣醫者不識當作真瘋醫治誤用藥石攻壞臟腑變成真瘋矣病者慎之倘患此症到來診視分別真否早日醫愈免至病出斷其六親矣精究內外奇難雜症拿手眼科不論遠年輕重服盡藥石無靈者立能決斷限日全愈矣此佈

本號自製癩瘋無優丸 風疽骨痛藥水 花柳無優丸 寶疔瘡散 一掃光癩藥 除癩眼散 癩疔丸 紅白痢症丸 來稿 光緒廿四年正月廿六日

檳城大門樓二百九十八號門牌福壽醫生廖廷均告白

啓者本棧到香港隆記公司鶴象標吊火貨真價實 諸君賜顧請到本埠土庫街門牌三十一號本棧面議此佈

光緒廿五年八月十八日
告英一千八百九十八年十月三號
代理人海記棧謹啓

白告醫西
THE DISPENSARY,
No. 2, Bishop Street,
PENANG.

啓者本藥房開設在漆木街第二號門牌自辦歐洲名醫製造上等藥料並老幼各款眼鏡出售貨精價實 諸君賜顧便知不謬再將發之時候聲明以便採買每日自早九點至下午五點惟禮拜六日九點至三點禮拜日拾一點至一點此佈

八〇一十
西醫藥房謹白

啓者本藥房專代理禮遮力示君眼鏡齊備出售并察驗瞳子應用何式眼鏡 諸君賜顧者請到土庫街本藥房詢問便是此佈 十〇十
遮實東藥房啓

真相廢歌 ○國聞報云中國大學士必兼軍機始稱真相其協揆由繙譯生員出任封疆屬僚見其座側懸有六字真言其詞曰漢人強滿洲亡其後入為真相本年誅戮新黨首建大功稍償素志因復為六字真言其詞曰漢人疲滿洲凡沾其恩者皆謂真言簡賅實虞廷喜起之遺響每在樞廷於平章萬幾之暇縱譚時事謂漢人固無一非壞種矣即旗人亦有好讀書者亦不可靠今惟取其人除書竹之外識字無多者即幹濟之才也或謂讀書本於孔子未必皆壞某厲聲曰孔子在當日豈是一好東西

拍賣告白 ○啟者茲有各貨欲行拍賣列明于左 鐵眠床 烏柴籬椅 玻璃器 燈 馬中燈 籬倒椅 玻璃厨 各款馬鞍 馬鞍 各款紅毛鞋 男女腳踏車 白鐵水桶 舊仔 蚊帳 大小眠床 柴馬 小孩玩物並各色貨物一暨定拜三八號即廿七日上午十一點半鐘在港仔口門牌五十六號本館內拍賣現銀領貨此佈 光緒己亥年正月廿六日 拍賣人勿廊啟

工部局告白 ○啟者本局員曉諭諸色人等知悉凡有屋業在本局界內者均應遵照一千八百九十六年所定工部局律例第一百零九條章程逐節列明俾眾共悉 計開 第一節凡有應行納餉之業在本局界內者如要發賣或與別人承受或受業之人自議定之日起限三個月內須稟報本局員 第二節凡業主在本局界內有應行納餉之業若業主別世以後或買或受該業之人由業主別世之日算起限一年之內要稟報本局員 第三節凡具報本局員之稟須照此律例尾所載○與 兩式繕寫 第四節本局員收稟之後若稟報之業主查詢底細則或買或受該業之人宜將契據呈繳 第五節凡有應行納餉在本局界內之地不論何人如要發賣及與別人承受該業應納餉銀若干原業主宜照本局所定數目清還但未報局註冊之前所有餉銀歸原業主清還與新業主無涉從稟報局員註冊之日起該業應納餉銀若干應由或買或受該業之人清還 註 第九節無論何人不遵以上所載各例施行經本局察出其罰款至一十元為止其稟報之稿可向本局內取領 英一千八百九十九年三月三號 司理人夏里碧承命謹啟

招集股份告白 ○此股票定西二月三十一號即華二月二十日截止大小此助等處火綫及商務有限公司資本銀一十五萬五千大元 一本公司欲招集外股份一萬五千股每股十元及倡謀股份五百股每股十元內中撥出倡謀股份三百份以便與外股份諸君入股每五十份便能承買倡謀股份一份又倡謀股份一白股與倡舉諸君餘倡謀股份一白股收存如何由協理人裁奪如倡謀股份未清楚亦由協理人主裁 一本公司入息除開費以外尚存盈餘之銀照外股份均分捌八仙倘尚有盈餘之銀照外股份及倡謀股份照入股規矩均分 茲將外股份一萬五千股及倡謀股份三百股一定外股份一萬二千股及倡謀股份二百四十票照價兌與諸君又外股份三千股及倡謀股份六十股留存與協理人及諸朋友承買 外股份應還股銀規矩列明入股時每股應還二元五角 分票時每股應還五元 餘俟一千八百九十九年九月三十號還二元五角 諸協理人芳名 知喜實樂喜君在寧義里心美蘭 奕忽羅訖勝島實蘭君在吡叻 粒鈕遮骨示君在寧義里心美蘭 鄭君觀養在吡叻 胡君子春在拿哈吡叻 粒鈕奕示得總司理人兼協理在吡叻 代理人銀行 太平印度新金山中國匯理銀行及該銀行有開設各處地方 狀師 奕忽遮勿來淵君在吧羅吡叻 挨亦示媽洗君在太平吡叻 暫舉司理人碑粒鈕義申君在太平吡叻 暫設本公司在實地先律太平吡叻凡諸君欲知詳細規條及各事請到本公司詢問便悉 一本公司開設種植粟穀米將米出兌及各款生理若能合宜均要經營 一米絞開設在高淵附近火車鐵路地方每月能絞五十萬斤而火車鐵路由種粟地方經過前往太平及近打等處運米包所費甚廉 一凡有種粟各地方均要開公司先借銀與種粟之人收回該粟抵還借款 一高淵轄內種粟甚多因此國家創設大永溝三年內完竣以後粟粒便能愈多可免有虞 茲將進支列明 資本賬目 支倡舉諸君購地所費銀一萬大元 支火綫全副及晒粟埋及總司理人屋共銀六萬大元 支買粟先借與種粟之人計銀八萬三千大元 三條共一十五萬三千大元 全年工銀開費賬目 支總司理人及副理費用銀八千大元 支管理火綫機器一人辛辛金銀六百元 支管火辛金二名 二百四十元 支支里工計四千八百元 支書記及管棧房辛金計四千二百元 支火柴及什物計四千六百元 支本公司費用及協理人花紅計五千大元 七條共銀二萬六千八百四十元 支買粟二百四十萬斤每百斤六元而每百斤能絞出五十斤計共一十四萬四千斤 支折火綫機器及家私計一萬元 支載運粟費用五千元 三條共銀一十五萬九千元 總共支款十條計銀一十八萬五千八百四十元 進款 進六萬包米每包二十斤價三元五角共二十一萬元 進米糠碎米計共四千元 二條共銀二十一萬四千元 除支外溢得息銀二萬八千一百六十元 約有十捌八仙利息 一倡舉諸君有地在高淵轄內地方計三百二十五衣葛大內中有一百二十衣葛經已種粟欲轉兌與本公司而倡舉諸君另有粟地五百衣葛若本公司創成後便向國家討准歸本公司種植應還查驗費每衣葛六角本年園租可免納還此地每衣葛可 一 二 諸如火車鐵路水溝完竣以後此地定能值高價 一此火綫經營起色別處如有合宜便要開設火綫 大清光緒二十五年正月二十三日 英一千八百九十九年二月四號 火綫公司謹啟

在焉有人曾將該地所產葡萄用小機器製成酒也彼時則欲設立公司釀造此酒後因戰事和息將地交還事不果行復恐人知而仿造乃廢其機器而去動聞而默識於心迨光緒十七年辛卯動旋香港今督辦鐵路大臣前東海關道盛電選至烟商辦礦務鐵路等事宜閒暇坐談動及此事盛公謂亦曾試過併查悉近地所產葡萄甚多每担百斤僅售銀三元惜無釀師可靠不果辦而動獨以酒樽一物為慮盛公曰上海有玻璃廠無慮也動回南洋檳榔嶼致泰西專家詳攷其藝癸已西友薦一造釀師名俄玲精於此術聲望久著爰與之訂合同甲午夏動派人偕往帶小機器以試乃該造釀師行抵上海忽犯牙痛誤命於醫時動在新加坡適有荷蘭人雷德吻者知其事求德醫生介紹謂精此業曾考過領有文憑以志不在此存其照於祖家如不見信請詢荷蘭銀行大班可證動詢之果如所言乃訂合同到煙試辦乙未奇其所釀之酒到坡英荷兩國化學師試驗皆云葡萄甚佳惜未熟力量不足下藥欠妥動以是知其事可成思為持久之計於是函致美國探辦有根葡萄二千株先購地試辦俟有把握再集股份立公司以垂久遠並仿泰西專利成例稟請今督辦鐵路大臣前天津海關道盛轉稟北洋大臣直隸總督部堂王奏請准以專利十五年免稅三年於八月初四日奉 旨准開辦乙未冬雷德吻之叔來坡為動言雷德吻於造釀學實非素諳惟其從兄業此畧得皮相耳動始知為其所誑丙申春乃更託與國領事代聘一精於此者其人姓名哇務既到烟始悉本地所產葡萄種植未得法故力量不足釀酒不佳且泰西葡萄可釀酒者數十種而本地所產僅一種唯可釀白酒丙申冬特寄書與京覓購葡萄秧十四萬株丁酉夏到烟約活十之二冬間再購葡萄秧五十萬今春到烟本年可種地二百畝左右至己亥定可再種地二百畝此皆上品可釀酒數十種綜計約可種地四百畝凡一切規模具有大畧應用器物動先行自備資本經已購齊今再核定章程招集股份設立公司以符奏案體制將來大著成效漸漸推廣所以與中國自有之利益者在此所以挽歷年外溢之利權者亦在此其於國計民生裨益豈有窮哉不揣陋劣記其緣起如此 此稿未完 業主須知 本埠各業主凡有屋業在工部局界內者須遵照工部局所定之舊章辦理其章程已刊在本報第四盤告白之內倘欲知詳細請自披閱可也

天變紀異 ○打石仔水濱草屋約數十間均係漁人棲遲之所也本月廿四夜八點餘鐘雷電雨風忽然交作勢如千軍萬馬銳不可當拔去該處之椰樹三株壓壞草屋四椽間有一樑華人某甲在內躲避不及竟遭壓斃更有三椽中雖無人而陳設之物損壞無算是亦可徵天變矣

病家滋事 ○近因痘病盛行國家特派西醫巡查匿報之人茲聞本月廿六早某西醫偕差巡至日落洞查悉與呂人某甲之子出痘未報意欲將其子送入醫院調治詎料某甲暨附近鄰人皆拒不許該醫恐礙事端立即鳴捕捕派印度差多名於上午十點餘鐘前往彈壓該差至十二點鐘回館并無意外之事又聞本早因有是事各巫來油人均在禮拜堂鳴鼓集眾會議云

拾遺票不報 ○廿五日阿太守提訊拾票不報一案事因古寧人買里簡有手帕一條向吊橋頭萬利號質庫典銀四角而買某不知該票何時遺失遂向該店說明失票緣由詎於本月廿三晚吉寧人加禮麥利簡竟携該票備足本利銀額前往該店取贖手帕該店察悉此票曾經買某報失者也即詢加某此票何來加某答以拾自路上照例途中拾物應繳差館今加某擅携該票來贖實屬犯例適有一百八十八號巫來油差惹巴經過該店向差說明願未差執加某送案阿太守訊實判加某罰銀八元無銀改禁二十一天

以差擊差 ○同日阿太守提訊擊差一案據一百零六號巫來油差日某稟稱三百八十八號巫來油差西立於本年西二月三號夜六點餘鐘在吊橋頭地方與某口角而某遭打受傷當將此事鳴捕捕等語太守訊實判西某罰銀八元

同事相爭 ○同日打瑪太守提訊同事相爭一案據華籍人羅阿龍控稱某與客籍人何保同在打鐵街某號店中充工作之役本月初十日何某與某齟齬竟携鐵鎚擊傷某之身中適值一百八十七號巫來油差馬日經過該處詢明緣由一面將某送入醫院調治一面捉拿何保送案等語太守訊實判何保罰銀五十元無銀監禁二個月

名士出洋 ○會稽陶先生七彪流寓夔陵垂三十年生平豪俠好義敦尚氣節書名滿天下人得零張尺幅以為榮然求書者非性情相浹雖達官貴人饒以巨金意不屑也創造器用巧奪化工所製如陶公牀陶公椅等靈妙簡便見者無不歎服歐美人有越重洋購回仿製者乙未臘月定與鹿芝軒制軍方督兩川電請先生赴蜀處以賓師之位先生以事却之邇者芝帥移節粵中又特疏奏調先生遊歷東西洋各國藉收彼中政治風俗以及一切工藝移書勸駕諄切懇摯先生不欲重違其意爰於上月中旬偕其門人王君慕陶由宜昌起程乘輪赴滬聞須與芝帥面商一切然後理裝首途也

織厥渠魁 ○去歲安徽渦陽之亂本館悉心偵訪不厭其詳報誌報端歲首又得安慶采訪友人來書云自牛劉李邵魯諸匪首相繼倡亂後枝分葉布各霸一方其手下烏合之徒大都迫于飢寒所致迨鄧小赤中丞出示招撫旋聞徐州官軍大捷若輩勢孤力竭遂次第散歸先是所獲諸首已就地正法迨臘月廿五日撫轅接廬州電稟內開日來又獲三匪首地方業已救平矣

臘月廿五日撫轅接廬州電稟內開日來又獲三匪首地方業已救平矣

臘月廿五日撫轅接廬州電稟內開日來又獲三匪首地方業已救平矣